

Ganadornan di competencia di Fundacion Aruba Limpi



DEN e revista popular Pan Dushi, Fundacion Aruba Limpi a tene un competencia di un kijekdoos. E competencia aki a bira masha popular y Fundacion Aruba Limpi a ricibi 136 variacion di kijekdoos cu a wordo traha door di muchanan entre 4 pa 12 aña di edad. E accion aki tawata pa haci e muchanan mas conciente di e naturalesa rond

di nan. Tambe di e sushedad cu ta wordo benta riba caminda y ta wordo carga door di biento y benta un otro caminda. Tambe e muchanan mester a skirbi un storia chikito con Aruba por ta mas limpi. Durante un recepcion teni na Tomato Charlie's a saca e 5 ganadornan. E ganador absoluto ta Gerrick Hill cu a gana un Sony PSP. E otro 4 ganador-

nan cual ta Jeffrey Bert Cunha, Tim Hankart, Keyshaun Godet, Fercand Sophia a gana un kids-meal di Tomato Charlie's. Nan a haya e premionan cu Fundacion Aruba Limpi a duna for di Marieke Koman y Jonnie Tilma di e revista Pan Dushi.

Esnan cu a participa na e competencia aki por pasa busca nan kijekdoos na Multi Media y nan

lo haya un regalo chikito tambe. Fundacion Aruba Limpi ta tene su mes ocupa cu entre otro combati desperdicio ambulante na Aruba. Esaki ta tur desperdicio cu ta wordo tira abao y ta

wordo carga door di biento tur caminda, por ehempel saco di plastic etc.

Tambe ta duna informacion na schoolnan. Pa mas informacion por yama na 583-8383.